



# **Universitätsbibliothek Paderborn**

## **Biennii Peripatetici**

Complectens Quæstiones Logicales Una Cum Institutionibus Dialecticis Ad  
Antiquorum Recentiorumque Mentem Resolutas, Nec Non Juxta Modernam  
Scholarum Peripateticarum Methodum Elaboratas & Explicatas

**Kretz, Marquard**

**Heripoli, 1749**

Articul. V. An conclusio formaliter, & intrinsecè attingat objectum  
præmissarum?

[urn:nbn:de:hbz:466:1-52248](#)

ergo conclusio debet se reflectere super præmissas. R. D. ant. dicit, hoc esse, quia aliud est, formaliter, in actu signato, & judicio explicito semper & distincto. N. dicit hoc in actu exercito, virtualiter, & judicio implicito. C. Eadem distinctione explicabis Aristotelem, dum dicit: Scientiam esse cognitionem rei per causas. Item hæc & similia argumenta: Intellectus non assentitur connexioni cum præmissis, nisi eam cognoscat. Argumentans necessariò reflectit ad bonitatem consequiæ &c.

## ARTICULUS V.

*An conclusio formaliter, & intrinsecè attingat objectum præmissarum?*

552. **N**ota. Præmissæ, ut aliis in locis jam advertimus, aliæ sunt formales, aliæ objectivæ. *Formales* sunt actus intellectus affirmantes aut negantes identitatem duorum cum tertio. *Objectivæ* sunt ipsum objectum, quod affirmatur, sive ipsa identitas cum tertio. Pari modo conclusio alia est *formalis*, quæ est actus intellectus illativè affirmans identitatem duorum inter se. Alia est *objectiva*, quæ est ipsum objectum, quod infertur, sive ipsa identitas duorum inter se illata. Præsciendum porrò est, quod hic non queratur: An conclusio formalis aliquo modo, & extrinsecè attingat præmissas formales? hoc enim certum videtur, quia particula *Ergo* dependentiam aliquam conclusionis formalis à præmissis formalibus significat. Certum præterea est, quod conclusio formalis non

## 530 DE DISCURSU IN GENERE.

attingat *intrinsecè* præmissas formales tanquam suum motivum: Nam non ideo assentior, duo esse idem inter se, quia tantum concepi ea esse idem cum tertio. *Status questionis* proinde hic est: An conclusio formalis, sive actus conclusionis non solum habeat pro objecto identitatem **extremorum** inter se, quæ est objectum materiale conclusionis; sed an insuper habeat pro objecto identitatem **extremorum** eorundem cum tertio, quæ est objectum materiale præmissarum, ita ut hæc ultima identitas sit ratio formalis *intrinseca* assensûs conclusionis? Cape exemplum. Quæritur: An intellectus positis his præmissis: *Omne animal est substantia*; sed *omnis homo est animal*; assentiens huic conclusio- ni. Ergo *omnis homo est substantia*: immediate, & *intrinsecè* attingat præmissas objectivas, ita, ut particula *Ergo* significet, intellectum assentiri objecto conclusionis propter objectum præmis- sarum, tanquam rationem motivam, cui de- nuò per ipsum actum conclusionis assentiat, & conclusio hunc faciat implicitè sensum: *Omnis homo est substantia*, quia *omne animal est substantia*, & *omnis homo est animal*?

553. Dico. Conclusio formalis immediate, & *intrinsecè* attingit objectum præmissarum tanquam suum objectum formale, sive tanquam rationem formalem *intrinsecam* assensûs Conclusionis. Ita D. Thomas 1. 2. q. 3. a. 2. & 3. Soncinas, Arriaga, & alii recentiores communi- niter, contra Compt. & nonnullos alios. *Ra- tio est*: quia actus intentionalis tendens in obje-  
ctum

DE DISCURSU IN GENERE. 531

Etum materiale propter formale, hoc ipso etiam intrinsecè attingit objectum formale tanquam sui determinativum; sed conclusio est talis actus tendens in objectum suum materiale, scilicet in identitatem extremorum inter se, propter formale, sive propter præmissas objectivas, aut identitatem extremorum cum tertio; ergo. *Minor* constat; *Major* probatur inductione: sic actus fidei divinæ tendens in articulum credendum tanquam in objectum materiale, fertur simul in authoritatem Dei revelantis tanquam in objectum formale, à quo movetur, & determinatur ad assentiendum articulo fidei. Sic actus voluntatis amans medicinam propter sanitatem, ambo simul intrinsecè attingit; ergo à pari.

554. *Obj.* 1. Ex hac thesi sequeretur terminum medium debere ingredi conclusionem; sed hoc dici nequit; ergo. *R. D. maj.* Medium debere ingredi conclusionem *explicitè*, *ut quod*, & tanquam objectum materiale illatum, id quod regula Dialeticæ prohibet. *N.* debere ingredi conclusionem *implicitè*, & *ut quo*, sive tanquam motivum formale inferendi. *C. Inst. 1.* Saltem intellectus bis assentiretur præmissis. *R. D.* bis assentiretur præmissis eodem modo. *N.* diverso. *C.* Semel nimirūm assentiretur iis secundum se, & tanquam objecto materiali; posteā verò assentiretur iis tanquam objecto formalis. *Inst. 2.* Conclusio se sola habet vim terminandi actum intellectūs, sicut præmissæ; ergo necesse non est, ut conclusio attingat præmissas objectivas.

L 1 a

*R. D.*

## 532 DE DISCURSU IN GENERE.

R. D. ant. Terminandi actum intellectus simpliciter judicativum, sicut etiam præmissæ. C. Actum intellectus illativum. N. Hinc negari etiam simpliciter posset rō *sicut*, & disparitas desumi ex distinctione data. *Inst.* 3. Saltem ex hac thesi liceret inferre 1. Quod omnis conclusio sit causalis & composita. 2. Quod sola conclusio sit totus Syllogismus. 3. Quod eadem conclusio posset esse vera, & falsa. v. g. hæc conclusio: *Ergo Deus est ens*, deducta ex his præmissis: *Omnis creatura est ens*; sed *Deus est creatura*. Sensus enim allatæ conclusionis foret iste: *Deus est ens*, quia est creatura, & omnis creatura est ens. R. ad 1<sup>um</sup> D. Quod sit causalis, & composita formaliter, & explicitè. N. Implicitè, & æquivalenter. C. Hoc ultimum autem nihil implicare, patet ex regulis veritatis supra allatis. R. ad 2<sup>dum</sup>, D. Quod sola conclusio sit totus syllogismus, ut hic est artefactum logicum. N. Ut est præcisè tertia mentis operatio. C. R. ad 3<sup>tum</sup>. D. Quod eadem conclusio posset esse vera materialiter, & falsa, si formaliter sumatur, ut ex præmissis deducta est. C. quod posset esse vera, & falsa eodem respectu. N. Nimirū falsa identitas extremi cum medio nequit esse objectum formale conclusionis materialiter, & formaliter veræ.

555. Obj. 2. Intellectus assentitur objecto præmissarum absque motivo distincto; ergo poterit sic pariter assentiri conclusioni. R. N. *Conf. Disp. est*; quia assensus conclusionis est assensus illativus, consequenter referri debet, & fieri

fieri propter aliud. Econtrà assensus præmissarum est assensus simpliciter judicativus. *Inst. 1.* Objectum præmissarum est objectum extrinsecum duntaxat, & purè impulsivum respectu conclusionis; ergo. *R. N. ant.* Quia objectum præmissarum est motivum adæquatum, & consequenter intrinsecum conclusionis; cùm conclusio unicè eligatur propter motivum præmissarum. *Si ait:* Ipsa identitas duorum inter se sufficienter determinat intellectum ad assensum; ergo. *R. D. ant.* Ad assensum simpliciter judicativum. *C.* Ad assensum illativum, qui debet fieri propter aliud. *N.* *Inst. 2.* Teste experientiâ, nemo reflectit se supra objectum præmissarum, dum conclusionem elicit; ergo. *R. D. ant.* *Explicitè C. Implicitè, & virtualiter. N.* Reflexionem hanc satis denotat particula *Ergo*, quæ intrinsecam objecti præmissarum cum objecto conclusionis connexionem significat. *Si inferas:* Ergo nullus recordari poterit conclusionis, quin simul præmissarum recordetur; quod tamen cum experientia pugnare videtur. *R. D. Illatum.* Nullus poterit recordari conclusionis materialiter talis, quin &c. *N.* *Formaliter* talis. *C.* Hæc enim essentialem connexionem cum præmissis dicit. *Inst. 3.* Admisso, quòd conclusio attingat objectum præmissarum, sequitur, quòd, si una præmissa particularis sit, aut affirmativa, altera verò universalis, aut negativa, conclusio sit simul particularis, & universalis, affirmativa, & negativa. Sed hoc videtur absurdum; ergo. *R. D. sequelam maj.*

Ll 3

Quòd

## 334 DE DISCURSU IN GENERE.

Quod conclusio sit simul particularis, & universalis &c. ratione objecti sui materialis. N. Ratione objecti materialis, & formalis simul. Subdist. formaliter explicitè N. virtualiter, & implicitè, C. Inst. 4. Si conclusio attingat intrinsecè præmissas ob particulam *Ergo*, ergo minor quoque intrinsecè attinget majorem ob particulam *Atqui*. Ex. N. sequelam; Nam conclusio attingit præmissas objectivas tanquam motivum immediatum conclusionis; econtrà major non est motivum minoris; sed tantùm occasio.

556. *Reflexio. I.* Actus conclusionis aliud motivum non habet, nisi objectum præmissarum; cùm igitur conclusio essentialiter respiciat motivum, propter quod elicitur, necessariò objectum præmissarum attingit. Aliud est in aliis actibus, qui plura habent motiva, v.g. in actu temperantiae, qui elici potest ex motivo charitatis in Deum, quin motivum charitatis immediatè attingat; cum enim actus temperantiae motivum proprium habeat, hinc motivum charitatis erit tantùm mediatum, & impulsivum respectu actus temperantiae. Idem dicendum de aliis actibus, qui plura motiva saltem mediata, & impulsiva habent. *II.* Quod modo de actu conclusionis dictum est, intelligi tantùm debet de conclusione, ut est *Judicium illustrativum*. Nam si conclusio materialiter accipiatur, ut est consequens, & actus pure enuntiativus, tunc habet pro motivo identitatem duorum inter se. *III.* Particula *Ergo* in syllogismo vocali sufficie signum est, quod conclusio objectum præmissarum

Sarum attingat ; cùm aliud omnino sit dicere :  
*Ergo Petrus est rationalis*, & aliud : *Petrus est rationalis.* IV. Præter præmissas objectivas,  
 etiam formales ad conclusionem concurrunt,  
 non quidem physicè illam efficiendo, sicut ignis  
 efficit calorem ; sed moraliter, & directivè, illu-  
 minando scilicet intellectum, & proponendo  
 ipsi connexionem duorum cum tertio, quâ cog-  
 nitâ connexione intellectus infert eorum conne-  
 xionem inter se. *Nec obstat*, quòd præmissæ  
 in virtute sua contineant conclusionem. Nam  
 non continent eam in virtute physicè effectiva,  
 quandoquidem unus actus transiens non efficit  
 physicè alterum ; sed continent eam duntaxat  
 in virtute moraliter directiva. Quando igitur  
 Aristoteles, & D. Thomas asserunt, conclusio-  
 nem effici à præmissis ; intelligendi sunt de ef-  
 fectione minus strictè, & moraliter tali, non  
 autem physicâ. *Nec obest*, quòd præmissis as-  
 similetur conclusio ; nam etiam causæ morales  
 assimilant sibi effectum, ut patet in idea in men-  
 te artificis existente, cui opus artificiale assimi-  
 latur, quin hæc physicè in illud influat. *Nec*  
*juvat dicere*, quòd habitus intellectuales pro-  
 ducent physicè effectum ; item quòd præmissæ  
 producent physicè sui species ; Denique quòd  
 species impressæ cum intellectu physicè influant  
 in cognitionem objectorum ; ergo etiam præ-  
 missæ physicè influent in conclusionem. Nam  
 permissso antecedente, quod ad alias scientias  
 pertinet, & ultimum præcipue multi in Ani-  
 mastica probabiliter negant ; N. Cons. Disp. est

L 1 4

quia;

536 DE PRINCIPIIS INTRINS. SYLLOGISM.

quia habitus dum causant, sunt physicè; item præmissæ hoc ipso imprimunt sū species potentiae intellectivæ, dum ex illa prodeunt; Denique species impressæ sunt quid permanens. Econtrà præmissæ sunt actus transeuntes, & dum causant conclusionem non amplius sunt physicè, cùm actus vitales statim transeant.



DISPUTATIO II.

De Syllogismo ejusque Regulis.

**D**iscursūs, & Argumentationis species facile præstantissima est Syllogismus. Prærogativam ejus prorsus singularem stupenda vis, quæ admirabili huic, ac penè divino artificio inest, & utilitas plurimum commendat. Nam vi discursūs syllogistici intellectus noster propter commissos sæpè errores, velut reus constringitur, & quemadmodum in civilibus adhibitis torturæ instrumentis admissum manifestare crimen reus compellitur; ita syllogismi efficacia intellectum captivum quasi vietumque dicit, adigitque sæpius fateri illud, cui pervicaciùs sese negando opposuerat. Expressit id Synes Epist. 44. dum scripsit: *Mirifici enim ad convincendam simulationem sunt carnifex, & unques quidam ab his excogitati sunt, eadem vi prædicti, quā scientiarum ratiocinationes, ac syllogismi.* Hanc ipsam in sententiam concedit S. Hieron. super Ezech. inquiens: *Quidquid in hac sæcu-*